

南潯志卷三十

里人周慶雲纂

農桑一

農事總論

張炎貞烏青文獻稻性宜水不黏者謂之秈秈之
小者爲秈農人于正月畢歲事二月治圩岸三月選種浸穀
立夏蒔秧四月刈麥訖遂墾田已而插青用桔槔灌田旱入
潦出四月望至七月謂之忙月富農倩傭工或長工或短工
佃農通力耦耕曰伴工是後耘耔糞漑各以時無敢離畔處
暑行根綻穗苦旱白露花苦風秋分稻秀苦雨九月刈禾是
月築場藝麥豆子婦竭作亦謂之忙月十月治穀米往時穀
旣登富農供惟正外得高廩蓋藏以備凶荒佃農輸租大家

南潯志

卷三十

農桑一

稍貯以給春作近來佃農奸頑將田中稻穀先時礱舂或趁
新貴糶或投典賤質妄希貿易以博利甚且不安分以圖事
又或于春夏時告貸富室獨租米遷延日月藉口歲歉收薄
冬盡以礱頭糶穀約略半償官司催科甚急告迫每置不問
於是田主稱貸糶米上廩而田主病佃戶貸米以延須臾之
死質糶以作不急之務其後貿易折閱息利倍加自此逋負
益積而佃丁又病兩者交病在當事者立法以導之也 董
世寧烏青鎮志稻之名類不一秈之早熟者曰早稻其徧種
者曰秈稻又曰晚稻糯種亦有早晚間有種者僅堪釀酒屑
以食而非小民終歲之需場功旣竣遂于田中起棧藝麥小
麥磨爲麩糲麥無芒色黃可作飯及餅餌蒸之成燒酒率雜

種之明年并菜豆俱收總呼爲春花播菜豆麥訖勤者治田
塍不惟便於擔泥壅稻亦以一切損苗之蟲生子每窟於其
內故歲於農隙剗削草根另添新土誠殺蟲護苗之良法也
老農云禾歷三時故耨三節三時氣足則穫自厚吾鄉種田
例在夏至前後所歷二時而已計惟下秧極早可補事力之
不逮穀雨浸種立夏前下穀稍備春氣至插青之日秧老而
苗易長且耐風日古云秧好半年田非謂是歟嗣是而插青
而耘盪訖於穫稻其間人事節次歲以爲常 張履祥補農
書凡農器不可不完好不可不多備以防忙時意外之需糞
桶尤甚諸項繩索及糞箬斧鋸竹木之類田家一闕廢工失
時往往因小害大 沈彤震澤縣志無產者赴逐雇倩計歲

南潯志

卷三十

農桑一

二

而受直者曰長工計時而受直者曰短工又有佃人之田以
耕而還其租者曰租戶少隙則又計日而受直爲人傭作曰
忙工 朱國禎湧幢小品近年農夫日貴其直增四之一當
由務農者少可慮可慮 董恂南潯志稿邇來農人多舍本
業而營分外以持強挾詐爲能春花懶於戽水久不復種田
功亦鹵莽滅裂每入市則茶寮酒肆雜坐喧闐此習於遊惰
之明驗要亦人心風俗之憂也 溫鼎見聞偶錄粵逆平後
戶口凋殘鎮之四鄉荒田計十之三乏人開墾汙萊滿目郡
西山田荒曠尤多溫台人及湖北人咸來佔耕自同治至光
緒初年湖北人蔓延郡東凡一圩中無主荒田無不佔踞耕
種搭蓋草棚每圩被佔者不下數十百畝秋收僅錢糧數百

文向之業主不敢顧問且性情狠戾欺壓土著強取芸蔬借
用農器時多口角地保圩甲亦畏之如虎潯之四柵沿鄉均
有柵民卽本地戶口繁盛亦恐未能使客還主近雖設有客
民委員編立戶冊門牌稍示約束然主客之間終未能相安
無事也 又農人日卽偷惰新穀登場不聞從事於春花前
志所載田中起稜播種菜麥今皆無有惟隴畔桑下蒔種蠶
豆吾鎮所轄十二莊大率如此春郊閒眺絕無麥秀花黃之
象近市之黠農專務時鮮蔬瓜逢時售食利市三倍近來佃
農輸田主租額不過六七斗頑田或僅輸三四斗不敷納糧
同光以來有力之家以田爲累不敢置買惟居鄉之富戶放
加一錢放轉斗米則佃農不敢頑疲耳

施國祁居之東鄉有老人年七十餘嘗過予閒談蓋隱於
農者也然少不澤于詩書得自天性其論說頗中肯綮亦
奇矣因爲五詩以述其意農子恆爲農才名天所忌生兒
拄門戶姓字麤當記兒年已勝衣會就村師肄三載省仿
帖約略得筆意急呼兒勿往改裝穿犢鼻阿父今老大薰
蓑正不易荷鋤替耶耕田園將汝寄村師訝見勸小子實
偉器何不與卒業青紫非難事俯首謝先生敦勸誠古誼
不見東家子少慧頗聰異晚爲儒冠誤素業竟淪棄西鄰
賣菜翁吠畔盡勞勸蠶桑利三倍多金買田地力田久無
科司命豈余畀或聞秀才家未必知書義敢教兒負心貪
天幸非冀 富貴不長保所願子孫賢力耕生計拙飽暝

得天憐東頭膏腴產祖父假種田帑金論估值豪奪占利
權當其全盛日北陌連南阡禾疇塞關右竹畝封渭川稅
率巨量收坐入累萬千催租來悍僕中人見笞鞭貴家不
旋踵籍沒爲贓園富家不轉瞬揮手當博錢華侈今安在
飄忽如雲煙而我佃田者曝背日高眠瓦盆可酌酒敗絮
聊遮肩祖父不長世及身方盛年顛倒十易主買鬻多變
遷桑海成小劫咄咄豈關天多藏而速亡倚伏理自然
聞昔渠田廢越人供稍入矧茲泥塗鄉水芸利卑濕嗟嗟
水芸苦夏畦病堪泣秧抽草復長荼蓼徧原隰非無迫地
縛延蔓破艱澁非無燒薶湯深根錮潛蟄摧拉盡陳芟惟
賴厥指十挾剔糞壤中膝屈不得立炎日赫如火遮頭一

小笠新苗利若刀掩脛一破褶淤暑塞溝塍斷續氣吁吸
有時中毒虺血流和汗汁歸來頭搶地面槁色於邑庶幸
稻有秋輸租食餘粒我農二生計命薄太危急漢廷水火
詔此語未傳習陸氏耒耜經此事或搜輯 馮煖能市義
高風卓已邁居貧到立錐大苦是逋債慨我農家流往往
中機械劑券論手實取攜意頗快錢多市魚肉侈味捐蔥
薤牀頭一揮盡始覺天地隘生涯太局促計窮鳥翮鍛畏
見催租客低眉受睚眦富人心計精科掠算纖芥薄儲倍
稱息那足供嚮暈前年杼軸空今年兒女賣剝肉爲醫瘡
吁嗟甚矣憊終老效梁傭無家可救敗莫謂尋常有小毒
等蜂蠆三村出大戶十室久遭壞願言稱貸者休忘前車

戒 木棉古貝草繭實抽細繭烏涇始移植海墾稱奧區
詎意崖州種流傳徧三吳鳴蟲乍驚懶責功問妻孥大婦
頗能力拚彈操弦弧小婦復習勤紡車轉轆轤機杼誰者
工堂上煩阿姑晨妝不暇理髮亂如蓬枯凍手不暇洗或
生皸裂膚三冬勤夜作同巷戒偷懦計日成丈匹抱買權
青蚨去歲實窘迫翦落償官租今年差可保鹽鼓或可需
餘布尙尋丈爲夫作新襦農家重蠶績業此從古無疇將
南村攷補題松雪圖

〔金桂演青苗劇有感〕良苗青青不盈尺鄉毗掠錢大作劇
崇臺可建五丈旗恰對神祠樹欄柵提攜婦孺召戚友笑
語喧闐走昕夕餅糧不足供粥饘稱貸歸來強宴客前年

南潯志

卷三十

農桑一

五

霖雨浸阡陌一村十室無九宅去年鳩鵲紛中途餓死人
猶滿溝壑今年民氣稍蘇息乍歛遊魂復其魄三春戶戶
有新絲四月家家吃新麥蝗蝻屏跡旱潦勻眼見黍稌唾
手穫民貧易擾富易奢雀鼠翻輸禦寒積嗚呼承平日久
法變新司農方算折稅緡爾曹乃賽青苗神

揀種穀

〔許旦復農事幼聞〕嘉禾登場之後取穀之圓綻飽滿

者留爲來歲之種穀有秔有糯有秔之中又有赤稻白稻
之分赤先熟白較後秔稻我湖山鄉爲多下鄉甚少其熟較
早一月俗所稱黃秔也糯稻我鄉種不甚佳未能粒粒通變
惟金壇溧陽所出爲最穀旣揀淨編稻草爲畚懸之梁間取
其風燥不霉壞也大抵田一畝需穀種四升

墾冬田 農事幼聞耕田之具曰鐵搭有四齒長尺齒末闊者以墾田齒末尖者以蒔地有作偃月形者以鋤草冬月刈稻後卽將田墾轉以深爲貴至來春二三月重加翻劇謂之鈔田總欲其土塊細碎得水融和也有冬不及墾直至插秧時爬轉者曰筭帚田以稻本尙留也雖已墾而未加鈔者曰鑊蓋田以土片大如鍋蓋也此情農所爲良農斷不出此 雙林鎮志至若得種春花之田菜麥旣收翻平溝稜而細削之謂之折麥稜此固人工之周到亦雨水之順調也

種春花 農事幼聞油菜小麥謂之春花自吳郡以東地高種麥爲多我鄉窪下種菜爲宜刈稻之後墾田爲高稜旁界小溝或撒麥令自出或栽麥苗若菜則必取秧培種種後俟其

生發用包鐵木鏟再濬其溝卽以土壅菜麥旁一取溝深雖乾不致大傷一取溝底泥肥也然必春雨不多得以頻加厚糞結實始繁 烏青鎮志歲旣穫卽播菜麥春中則摘菜薹以爲蔬仲夏春菜子以爲油刈菜莢以爲薪磨麥穗以爲麩雜以蠶豆並名曰春熟 刑典書城雜著麥種須揀成實者棉子油拌過則無蟲而耐旱宜肥地土欲細溝欲深種欲勻喜糞春間鋤一徧收子多若三春有雨入夏時有微風此大有之年也初種忌戌日以灰糞拌種妙 補農書農叟有言麥歷四時故稈四節種麥必使四時氣足則收成厚吾鄉種麥多在立冬後至夏至而收所歷三時而已中秋前下麥子於高地穫稻畢移秧於田使備秋氣雖遇霖雨妨場功過小

雪以種無傷也

收春花 〔農事幼聞〕菜麥之熟在四月底正蠶忙時每未暇及此然梅雨將來稍遲恐不及刈矣諺云打稻奪麥甚言以速爲貴也收菜卽就田中拔起以大桶擲取其子若攜歸至家則穀燥子裂遺棄滿路矣麥則刈取後就家中曬乾築取其粒或陰雨連旬麥未乾透則生小黃蠅顆粒每至霉變 〔書城雜著〕麥熟時帶青割一半合熟割一半蓋麥熟同時不比別田熟有先後若候齊熟一遇風雨必致拋撒卽載歸曬乾恐生蛾密密苦蓋以防雨不及載則坡下苦之乘晴明旋刈旋打揚籽粒收起卽未淨俟所收打過將稽再打 〔補農書〕油菜防盜取以牛糞入潭作爛澆之則菜臭而人不偷矣

南潯志

卷三十

農桑一

七

浸種 〔書城雜著〕早稻清明節前浸晚稻穀雨前後浸用稻草包裹一斗或二三斗投於池塘水內缸內亦可晝浸夜收不用長流水難得生芽若未出用草舍之浸三四日微見白芽如鍼尖大取出陰乾密撒田內糯稻出秧較遲浸八九日如前微見白芽方可種撒時必晴明則苗易豎田須犁耙三四遍青草或糞穰灰土厚鋪于內舍爛打平撒種肥而易旺撒秧穀 〔農事幼聞〕秧田必自爲一區四圍護以高塍或桑地梅雨驟溢可以戽乾無損若一浸入水中則田圩縱能車救而秧種已無有矣始撒須微水將田犁平如鏡穀種勻糝其上隨加稻灰頻頻灑以薄糞其初出細如鍼所謂秧鍼也長及尺便可取種矣

董恂播穀樹頭催耕鳴東作又相促邠風詳農事其始重播穀譬如吾儒行端在慎初服力不墮始基逮秋乃成熟無使雜穉稗良莠恐同蹙不辭選擇勞佳種辨種稜散置方罫間四布如星簇雨露十月滋短鋤排一綠插需秧扇開霑體更塗足何待病夏畦卽此已顛匐吾儕食於人飽食未知福請共操豚蹠滿篝替渠祝

貸米

紀磊沈眉壽震澤鎮志耕時貸米於富戶至冬償以米其息甚昂有一石償二石者謂之轉斗米

董蠡舟潯溪棹歌販米商船邪許呼年豐價尙貴如珠火

艚儲粟嗟餅罄貸得豪家轉斗無

船尾炊爨處俗謂之火艚

董恂潯溪棹歌米憑轉斗接青黃加一錢多幸已償二月

南潯志

卷三十

農桑一

八

新絲五月穀爲誰辛苦爲誰忙

插秧

農事幼聞芒種爲插秧之候其率先者謂之開圩旱則

上水澇則出水水以尺爲度不令過滿將前時已墾且鈔之田又用鐵鍬細細斫碎令全無塊壤然後下秧必界以繩謂之秧界繩每一界爲一垵垵約廣三尺種秧六窠層層相次每層前後約空八寸謂之段下秧之人須步步倒退腳踏段中空處不令插秧處有高低淺深庶秧得均勻分布垵之多寡視田之廣狹分段布秧太密不得亦太疏不得密則慮秋後熱傷疏則地有遺利也烏青文獻拔秧洗根去泥揀出稗草趁天陰晴急忙蒔插稗行宜直以便耘耨淺插則易發稗與秧宜辨葉上光滑色微黑者爲稗葉有鋒芒色微黃者

爲秧 〔漣川沈氏農書〕種田不在乎早本處土薄早種恐生蟲其時有水則芒種前後插蒔爲上若早年車水便到夏至也不妨只要倒平田底停當生活以候雨到雨不到則車種須一日車水次日削平田底第三日插秧使土中熱氣散盡後無出蛀之患而墊底尤爲緊要墊底多則雖遇水大而苗肯參長浮而不至滄沒遇早年雖種遲易於發作平底之時有草須淨盡如削倘種時先有宿草得肥驟興秧未活而草已滿拔甚費力若插時拔草先淨則草少工省 〔又湖州水鄉每多水患嘗見沒後復種秧俱大收穫比前倍好萬一遭此須設法早車買苗速種立秋前可種若遇天氣老晴熱氣尙盛便過立秋幾日尙可種種下只要無草不可多做生活

南潯志

卷三十

農桑一

九

尤不可下壅下壅工多則苗貪肥長枝枝多穗晚有稻無穀戒之

〔方叢插秧〕霉風吹平疇霉雨時飄忽蠶桑幸已了插種因時急努力早開畦丁男趨遠陌縛秧如束薪插秧如拱揖俯首躬復偃退縮踵相接布置龜手披芋鯨雁行列疏密縱橫間一一從繩直豈不惜辛勤時哉不可失伊始不竭蹶那望秋秀實有年良在茲黽勉勤栽植

撩草揚田

〔農事幼聞〕

插秧後月餘草生苗旁以手撈取其草

卽搓成團踏田間取其爛而滋益苗根也撩草之度或一次

或二三次總視草之多少爲斷此後則揚田矣

揚吐浪切或川蓋字俗作

非揚杷之制板長尺半首廣二寸末廣三寸板下勻排鐵釘

五層作微彎似鉤勢上裝竹竿抽曳往來于苗之空段間令草根盡起不致復生

耘田 農事幼聞揚田就空段間抽曳之而每層六窠之中間或生細草則揚所不及也故又加以耘之功耘者膝跪行於苗間兩手匍匐而前細剔苗根之草慮苗葉傷其膀編竹片爲簾縛兩股間謂之耘田馬蓋揚則橫推耘則直搯一縱一橫事交濟而功遞密也然揚立而耘跪又當三伏烈日中農夫勞悴無過斯時 沈氏農書今日拔草明日卽要橫鋤當使草常無處著腳計小暑後至立秋不過三十餘日鋤盪耘四番生活鋤一盪二耘一均勻排定立秋邊或盪乾或耘乾必要田乾縫裂則根脈深遠苗榦蒼老結秀成實水旱不能爲患矣

南潯志

卷三十

農桑一

十

乾在立秋前便多乾幾日不妨乾在立秋後纔裂縫便要車水蓋處暑正做胎斷斷不可缺水水少卽車直至斫稻方止若值天氣驟寒霜早凡田中有水霜不損稻無水之田稻卽秕矣 書城雜著揚稻後將灰糞或麻豆餅屑撒田內用水耘去草盡淨近秋放水將田泥塗光謂之煊稻待土裂車水浸灌之謂之還水穀成熟方可去水或遇天少雨急鋤一遍勿令開裂俟天興雲則澆肥糞待雨勿致缺水則稻發不遏

紀端耘田歎所居在村南田間去數武閒從讀書暇溫詞叩田父田父前來言耕田耘最苦日曬背欲皺蟲齧血成乳躡身苗葉中氣咽不得吐微風搖綠涼其銛能割股苗草不雨立草勢強如弩一耘還再耘尙嫌功莽鹵竹馬將

壁懸培壅自此甫去年水旱時六月無滴雨今年雨如澆水深魚可留昨夜湘江船餅價等于土余家亦世農舊有農桑譜不聞田父言那悉苦難數胡爲今之人還賤穀之五

下壅 〔農事幼聞〕草既淨後加以肥澤之功謂之下壅富家多用豆餅椎碎成屑勻撒苗間貧家力不能致餅則用豬羊欄中腐草當暑天臭穢不可近將桶貯之挂於項下胸前兩手撈取分擲周行田間必勻必徧或有捲取水草作爛成泥更有用蠶繭灰糞者他處山田水冷則用石灰亦有用馬牛犬豕骨豬毛雞毛及頭髮者土性不同不必以之繩吾鄉也

南潯志

卷三十

農桑一

七

多縮而不秀初種時必以河泥作底其力雖慢而長伏暑時稍下灰或菜餅其力亦慢而不迅疾立秋後交處暑始下大肥壅則其力倍而穗長矣 〔烏青鎮志〕下接力都在處暑後做胎及色正黃之時倘苗茂密度其力短俟抽穗之後每畝下餅三斗以接其力亦有未黃先下者每致有好苗而無好稻 〔震澤縣志〕在昔餅之直賤計其費率與藁相當今餅直視前日增藁之直不能與之相當故農人益苦 按今稻草價亦日昂蓋由於此

張海珊說糞

溫也癡以擔糞圖屬題因作此

凡田有厚薄土有肥磽皆緣

糞氣爲美惡糞以柔之無彊槩糞以壅之無輕輿薄使厚過使和糞之利益宏哉凡糞載於周禮雜見於諸家種植

之書糞之類或以馬骨牛羊豬麋鹿或以禽獸毛羽或以腐稟以敗葉以枯朽根莖或以纒蛹汁以溝瀆泥或以人洩及牛豕洩其類猥以墮凡人洩爲大糞餘爲雜糞苗糞爲蠶豆爲大麥草糞爲耨蕘陵茗爲苜蓿爲苔華江南水田冷宜火糞江淮迤北宜苗糞凡制糞多術有蹋糞法有窖糞法有蒸法有釀法有煨有煮而煮尙矣凡置糞處或爲池或爲廁懼其露也爲之屋懼其滲也爲之甌檻凡用糞有時與法用之未種先曰墊底用之既種後曰接力不得其時與其法則枝葉茂而實不繁糞過多則峻熱而殺物凡糞具有畚有帚有杓有瓢杯載糞有划船有下澤車凡糞蟲有蟪有蝓蛭

車水

農事幼聞水車之制絕大者用牛牽盤以運軸或三四

人立而踏轉之更有用風帆以轉軸者其小者則一人坐而手搖之吾鄉並不經見吾鄉之車兩人坐而踏轉之最爲適

中車用方木長二丈餘下排短檔二十四以連屬車牆

亦曰車箱

兩牆相去約廣尺深入寸中用鶴膝銜接爲轉捩間以木片

謂之車柿

音肺

柿之廣與長視車牆車尾有小軸車前橫大軸

軸有齒十二鶴膝貫於軸上隨軸轉動挈水若建瓴誠旱澇之利賴也早年上水人各自爲主澇年出水則合圩其舉謂之大輶車車之多少視圩之大小備車之人辦糧佔地曰車埠頭分眾戶田畝以屬之每舉工六日爲一程喚所屬者到工遲誤則有罰當緊急之時軸頭置紡綫以記轉數番數小

軸上聯以繩以較彼此遲速彼繩屢爲此絞斷則彼宜有罰
罰以酒其有外圩人來者放重其車每以此侮之亦一做俗
也

〔孫燮桔槔行〕工人製器何奇絕輪轉水中使水逆軟浪千
層欲上梯白光一道如翻雪中田土燥苗半槁赤日行天
午更熱農人雙腳踏轆轤絕勝溪濱一鉗挈有機事者有
機心漢陰丈人誚其譎豈知利用本前民不爾禾苗那可
活俯仰全憑人力引勞苦何如牛服軛只愁百畝地皮焦
難顧千夫脛骨折收得盤中米一粒農夫汗費幾升滴舉
頭望雨雨不來夜半猶聞聲軋軋

除蟲

農事幼聞

三伏苗長之時有青翼蟲生其間形細如粟

南潯志

卷三十

農桑一

三

而頭尖謂之蠓蟲多則令苗悴除之之法菜油熬過用小竹
管吸油滴田間一人從後用竹板打油水上苗蟲聞油氣則
死秋熱過甚或兼毒霧連朝則生黃翼小蠅遺子苗本上卽
生蛙稈蟲能食苗使殘除之之法用缸貯水置田塍夜炷火
其中蠅望火光撲入卽渰死庶杜其生子之患繇之苗喜透
風有風處蟲口較少道光二十三年我鄉曾遭此患竟有通
畝枯稈無升斗收成者惟沿塘透風處得無恙若蝗蝻爲蝦
子所化漫空蔽野絕無備禦之策惟祝天連日霖雨則此蟲
殼不得脫溼漲而死矣〔陳芳生捕蝗考〕飛蝗見樹木成行
或旌旗森列每翔而不下農家多用長竿挂紅衣白裾羣逐
之又畏金聲砲聲聞之遠舉用稈草灰石灰等分細末篩羅

禾上蝗卽不食蝗最難死初生如蟻之時用舊皮鞵底蹲地
搨搭應手而斃且狹小不損傷苗種蝗在麥田禾稼深草中
者每日侵晨盡聚草梢食露體重不能飛躍宜用笱箕栲栳
之屬左右抄掠傾入布袋蒸焙炮煮隨便或搨坑焚火傾入
其中若只瘞埋隔宿多能穴地而出蝗有在光地者宜掘坑
於前長闊爲佳兩傍用板及門扇接連八字排列集眾發喊
推門趕逐入坑又於對坑用埽帚十數把見其跳躍而上者
盡行埽入覆以乾草發火焚之然其下終是不死須以土壓
之過宿方死陳龍正曰蝗可和野菜煮食見於范仲淹疏又
曝乾可代蝦米然西北人肯食東南人不肯食亦以水區被
蝗時少不習見聞故耳崇禎辛巳嘉湖旱蝗鄉民捕蝗飼鴨

極易肥大又山中人畜豬不能買食試以蝗飼之其豬初重
二十斤旬日肥大至五十餘斤志稿潯年穫稻過遲每爲
野鴨所食千百成羣所下之處稻頭一霎而盡亦以金聲砲
聲驅之

刈稻 農事幼聞刈稻早或九月底遲亦不出十月蓋禾稼之
成資乎霜露霜太早則粒不能實霜未至則稈不得枯故必
俟霜降之後其所持以刈者曰稻鐸刈稻乾田爲易溼田爲
難旣刈後將稻橫臥於四柱木棧上以便紮縛成箇名曰漣
車旣成箇分張於三肘竹架上名曰翹籩亦作喬托風戾日炙乾
後乃任負以歸東鄉田高無須竹架竟置禾田中亦能趨燥
我鄉則非此不可

孫燮刈稻行金風一夜吹郊墟旦日刈稻人爭趨祝融肆
威奪民食努力斂此枯槁餘去年刈稻稻滿屋今年刈稻
僅數斛卻喜官糧尙可供餘粒那能飽饘粥簸之揚之如
汰沙穀中蕘稗何其多劣米上倉不中式卒逢吏怒當奈
何朝廷卹災吏橐滿富民出錢征可緩揀選好米輸官倉
偏是貧家田耐旱

牽礮 農事幼聞打稻用木牀竹棧兩手舉而擲之穀自纍纍
而下旋用風車扇去其芒芒謂之穩亦有用圻者取和灰泥
以塗牆則經久不裂穀既扇淨乃就礮礮以堅木爲之上圈
鑿直齒下畔鑿橫斜之齒令上下齒相齟齬礮上搭直檔曰
大桁旁加橫檔曰小桁四五人扶其檔而牽曳之穀自脫而

南潯志

卷三十

農桑一

五

米不傷其殼謂之礮糠再用風車扇去礮糠間有碎粒曰糙
糲亦扇去之然後入大篩以篩之初上直落篩後上圻篩總
以米淨穀除爲高手第一番所出之米謂之頭鋪米篩後重
上礮者謂之二鋪米並以自食及糶錢并以償轉斗米最後
所出多零星碎雜青腰白臍之屬謂之結礮末鋪佃戶完租
大率皆是物也

上固 農事幼聞舂米之器或用木臼或用窰臼而窰臼爲勝
其用石曰兩人舉石杵雙確者西鄉間有之我鄉無有也木
爲曰牀牀上有杵曰臼篋亦曰臼跳足踏以舂米白則以小
篩去其糠糲或一舂卽止謂之大一礮或篩後再舂則米愈
白淨謂之雙糙他處有三糙四糙者亦吾鄉所無也繼乃紫

稻草爲圈每圈高約二尺層疊增高名曰囤先用菜葉麩皮裹以稻草紮縛成團高數尺植立囤心曰發頭然後將米入囤旬日後發頭蒸熱溼氣上冲急用礮糠隔麻布腳袱以收之隨溼隨換務收盡其溼而後止則米黃白停勻不霉不蠹所謂冬春米也至山鄉秬米則蒸穀而礮之蘇松等處則徑食白米並不用上囤與吾鄉不同

志稿有用石灰燒酒滾水入發頭內則一二日卽蒸熟數日卽開囤名曰發極冬春倘開囤稍遲米卽黑爛市肆每用以攪入冬春鬻之鄭元慶湖錄蒸炒米與冬春黃米皆取其脹耳嗚呼吾鄉人豈樂爲此哉農夫終日勤動朝饔夕殮若用白粳須得二升猶不足以其腹故不得已而爲之計冬春蒸炒日食升許足矣

明知自欺以儉其口腹土瘠民貧吾鄉爲甚上而杭紹下而蘇松皆不然也

紀端春米謠茅舍鷄鳴聲未絕踏凍呵冰行似蹙三竿日出主人眠鐵鎖重開寒氣冽朋儕絡繹步確連雷電訇然半空徹汗雨翻成六月天毛孔溼盡淋漓血竹籃冷放午間糧黃莖鹽壘焦飯咽長槍箭子不記名九轉筵勻浮白雪杵成憑取小紅籌南陌西阡各異轍晴月吳歌犬吠歸黃昏風雨煤燈滅入倉收蓋價當酬主人嗇吝青蚨折寄語東家紈袴郎食時五觀涪翁揭

董恂春米謠鉤鏞已歇耒板鳴吹來耳畔多春聲穀皮簸蹂飛作蠹穀實潔白精華呈甕儲計穀一年食餘以釀酒

來稱觥我雖無田不耕作一餐也費千香秬去年歲歉不
得米今年盼得糠星明春歌自朝達夜半倉箱料得多粢
盛記曾讀易攷厥制斲木掘地勞蒼氓今易以瓦較便利
沈郎捉搦歌堪賡有言赤冀始作此或穀或糲當持平春
揄之說出大雅春人亦列周官名春成曰粬否曰黶一般
免我饑腸撐弟兄能容亦斗粟那須糲繫求其精我歌未
終曲人有嘲儒生道儂飽食太平飯只解軟語歌嚶嚶君
知春者樂不識春者情一田所出米有幾其半輸卻官家
征外此私債償敢冀留餘贏嗷嗷俯仰間日暮無朝烹古
人之樂以歲卒今人拊搗多拘俸倘得歲云熟民物猶咸
亨自逢洪水災呼癸還呼庚棉衣脫卻質庫去一身博得

饑寒并宿逋未了又新券補瘡剝肉難兼營今年縱得春
春罷還怛怛一朝催租來益益俱爲傾那有升斗儲可以
言豐盈不然捉卻官裏去蒲鞭一一飛黃荆我聞斯語悲
不覺心爲驚無米不飽有亦同嗟饑卻不關西成女貧苦
爲他人嫁男貧亦爲他人耕可憐童子鴻賃廡愁回縈娛
親己乏伯夷粟遺母復少君子羹硯田食破不得飽糲糠
意氣空縱橫請停春者相聽我歌淒清不必垂紳侍享佩
白珩亦不必鳴鐘列鼎開千蠶但願家家十斛收自多喧
春不斷聲鏗鏗稻堆已比屋更上糠積亦將山與爭君不
見昔日越王春米處糠頭留得勢峻崢

業主乘舟至鄉量取至豐之年每畝不過一石左右稍歉卽減有僅三四斗者又或歉歲緩征官不開倉則租無顆粒然漕糧分三年帶征而租米不收永無帶征之事也 烏青鎮志賃田以耕之佃戶向時人尙謹愿除實租外照田根立券者曰虛租有預議折實米數不論水旱者爲實租不視豐歉爲盈縮年來姦滑成風順成之歲且圖短少小涉旱澇動輒連圩結甲私議納數或演劇以齊眾心或立券以爲信約偵有溢額者黠者遂羣噪其家責以抗眾不則陰中以禍是 國家以旱澇爲憂而姦佃反因以爲利也懲薙此風則公私並受其福矣 吳興掌故集湖中收租斛視常有加至三升者其俗大率收租極大納稅名官斛糶冬米極小習俗已成不以爲異見夷堅志載湖州沈二

入用大斗量租爲陰司所錄其理或有之然則亦可警矣其間豈無公平識達之士變易其風者乎

趙蔡溫氏母訓跋

錄

陸太夫人言買田收租是儒家捷徑

良方不廢清修不染市道以今日論之則業主佃戶莫不以狙詐相尙實與市道無異而清修亦斷不能無損此誠陸太夫人所不及料而余則深有感於人心風俗之遷流矣

施國祁收租卽事

日斜阻村西勢面嚴風酷投止南榮下

寒氣誰囁囁田父有好懷泥飲招近局鬻頭杜茅柴味澁勝醞醪何以侑吾觴薑紅間醬綠充腹得芋魁滿盤堆紫玉情親失行次被肘膝屢促更呼舟子來分炙色亦欲饑

走體不溫頓令噓春旭人生奚必爾一飽萬事足 破屋
稀煙爨寒鄰少雞狗所遇非丁男惻惻倚孀婦緼膺行百
結懸鶉不覺醜見我入門來苦語何噉嚙耳熟故夫言君
家多積負甕米瓊之粒量入聚于斗惻然顧荒廚甌乏數
升糗薄藏其餘幾拾橡不救口折券古非難虐取天所培
錯莫一長吁揮袖出門走那得糜暖場爲渠租數畝

董恂村田詞又爲登高把一樽追呼聞已急前村儂家只
有租田在不怕如狼吏打門

蠶事總論

胡承謀湖州府志治蠶始於護種終於收繭繅絲

而中間時寒煥慎燥濕節饑飽視慈母之護嬰兒殆有甚焉
而其所賴者專在于桑其樹桑也自牆下檐隙以暨田之畔

南潯志

卷三十

農桑一

九

池之上雖惰農無棄地者其名桑也不曰桑而直曰葉其有
餘則賣不足則買胥謂之稍葉稍有現有賒其不能者或典
衣鬻釵釧以償之或稱貸而益之或其時蠶多葉少而無可
稍者則不得已屑米粉糝葉以飼之採柘葉以充之然且饑
飽之不節燥溼之不均寒煥之不時則蠶往往至於病而死
而蛇鼠之耗蠅蚊之毒乘間抵隙每爲人力所不及防蓋有
功敗于垂成禍生於非望者又不可勝數矣 湧幢小品凡
蠶之性喜溫和與惡寒熱大寒則悶而加火太熱疏而受風
蠶房宜卑卑則溫蠶簇宜高高則爽又其收種時須在清明
後穀雨前大起須在立夏前過此不宜也至於桑葉尤宜乾
而忌溼少則布浥之多則箔晞之能節其寒煥時其饑飽調

其氣息常使先不踰時後不失期而舉得其宜故所收率倍
常數 〔又〕湖之畜蠶者多自栽桑不則豫租別姓之桑俗曰
秒葉凡蠶一斤用葉百六十斤秒者先期約用銀四錢既收
而償者約用五錢再加雜費五分蠶佳者用二十日辛苦收
絲可售銀一兩餘爲繇爲綫矢可糞田皆資民家切用此農
桑爲國根本民之命脈也本地葉不足又販於桐鄉洞庭價
隨時高下倏忽懸絕諺云仙人難斷葉價故栽與秒最爲穩
當不者謂之看空頭蠶有天幸者往往趣之 〔沈氏農書〕蠶
房固宜邃密尤宜疏爽晴天北風切宜開窗牖以通風日以
舒鬱氣下用地板者最佳否則用蘆席墊鋪使溼不上行四
壁用草簣圍襯收潮溼大寒則重幃障之別用火缸取火氣

以解寒唯暴熱則外逼內蒸暑熱無所歸則蠶身受之或體
換不時喂飼略後受病之源皆在於此 〔沈鍊廣蠶桑說〕蠶
最爲鼠所喜食育蠶者不可無貓 〔補農書〕蠶之生疾半在
人半在天人之失恆於惰惰則失飼而蠶饑饑則首亮失替
而蠶熱熱則體焦皆不稔之徵也天之患恆於風雨霧露卽
烈日亦有不宣以乾鮮之葉難得也蠶食熱葉則繭浮鬆不
可絲其害淺食溼葉則潰死食溼熱葉則僵死食霧露葉則
痿死葉染風沙則不食葉宿則不食而仍饑其害深知戒人
之失而不知備天之患未爲全策也 〔談鑰吳興志〕湖絲雖
徧天下而湖民身無一縷可慨 〔董蠡舟南潯蠶桑樂府自
序〕蠶事吾湖獨盛一郡之中尤以南潯爲甲然護養之方早

晚之候與夫器具名物禁忌稱謂有與郡中不同者不特如秦少游所云寃地異於吳中而已也 陳根培湖陰清話古書稱蠶三眠三起農桑直說謂四眠蠶別是一種今湖俗多養四眠者轉謂三眠爲別種矣 溫鼎見聞偶錄亂後鄉人惰於稼而勤於蠶無不桑之地無不蠶之家然桑葉雖較前有加而飼蠶仍虞不足遇葉貴有棄蠶於水者原其畜蠶之多以售絲易而絲價昂也邇來洋商購經居其半潯地業絲兼經行者爲多經之名有大經有絞經有花車經等名凡做經之絲必條紋光潔價亦勝常故鄉人繅絲之法日漸講究此外又有縑絲廠收繭作絲不縑絲可售繭無錫紹興率皆售繭我潯則無不售絲者而繭絲吐絲頭澀花繭黃滯頭等

南潯志

卷三十

農桑一

三

均可售與洋商鄉人費一月之功苟得豐收一年取給於此然而捷獲則日事奢靡故蠶絲之利雖豐而仍無補於民也 丁蟾哀蠶行 白蒿繁時桑葉青吳下蠕蠕蠶子生獨居少婦抱兒睡遙天不曙神魂驚采桑采桑幾勞頓三浴三眠長積寸阿儂哺蠶如哺兒以蠶爲命豈辭困黃土牆邊幾本桑蠶桑立命給租糧阿夫栽時勤灌溉阿儂采時不盈筐采桑一筐良不易哺蠶數堀寧有濟蠶饑漸漸黑瘦多繞筐躑躅空泣涕鄰家摘繭縑新絲阿儂蠶務竟如斯哺兒無心活無計懷中之雛饑而啼兒幼長與儂相近儂貧長以蠶爲命今年蠶荒難存活宛轉攜兒水中殉塵堆舊時紅錦機夫歸嗚咽無故妻幼穉嬌兒復何處生難聚首

死同歸吁嗟胥吏猛於虎窮廬追呼逼門戶吳絲藉以充
官稅吳民蠶務多辛苦育蠶身殉悲難勝我聞爲作哀蠶
行長歎一聲出隴望桑葉黃落鳩哀鳴

〔紀松蠶婦怨〕出門采柔桑入門飼蠶忙桃花已落盡夏景
日漸長家家試新火戶戶早凝妝有郎不同宿有酒不能
嘗中宵頻起看攬衣獨徬皇吁嗟乎辛苦倍更長初眠蠶
在房再眠蠶在堂三眠蠶欲老纍纍繭盈筐雖則繭盈筐
焉得遂成章五日縑爲絲十日織爲錦杼機夜雨寒刀尺
秋風緊雙眼花雙手胠千辛萬苦一絲絲來朝剪取攔街
賣賣向花街遊冶兒遊冶兒嬌且癡子無袴妻無衣楊柳
隄邊楓橋月換得紅顏一解頤

南潯志

卷三十

農桑一

三

〔金錫桂養蠶詞〕棠梨花白斑鳩鳴黃塵跣跣提籠行晴窗
急作風雨響紅蠶食葉沙沙聲江南四月蠶正熟東家西
家閉茅屋車蓋童童橫短幅沙暖溪頭臥黃犢 小艇激
流聞打槳彷彿今朝葉價長銀釵女兒頭不梳歷亂飛蓬
垂兩顙女兒不愁一月忙只愁無葉饑蠶僵蘆簾垂垂春
晝長誰家煮繭門前香

〔溫文禾蠶詞〕卸了山棚待做絲黃昏剝繭其相期隔牆笑
語聲多少知是鄰家好女兒 幾日縑絲繭已完猶餘種
繭滿筐攤今宵定有蛾兒出笑喚檀郎把燭看

〔曹仁虎潯溪竹枝詞〕紅蠶上簇四眠過金繭成來欲化蛾
聽道今年絲價好通津橋外販船多

董兆驥蠶月卽事清明纔過聽提壺浴種家家計有無
拈取柔桑心自忖今年把火是三姑
微行詰曲約朋儕笑倚桑枝納繡鞵
采得滿籠猶獨立忽因公子動春懷
青桑買罷急忙歸飼得蠶饑自忍饑
幾兩新絲猶未卜先教典卻舊棉衣
新絲纜罷合家歡誰料心頭肉已剝
富戶莫來催米債硃籤卯上欲完官

施國祁雜興佛祠可有社錢供香火
頑僧性最慵蠶事莫嫌無用處
三更來打及時鐘僧於蠶月入夜打鐘三次以警蠶婦餉葉之候蠶畢率酬

以張鑑蠶詞種來女樹亞紅牆
露葉煙條未滿筐知是馬頭孃
祭否應無打鼓洒桃漿
火速門攤徵大官浴川風戾

敢偷安祇將破袴憐夫婿難掩催租幾處癢
父蛾母蛹暖房餘雪色吳王繭不如誰信輪蹄日
蕉萃郎騎秧馬妾纜車

李廷賡春蠶竹枝詞竟日東風陌上催催將桑眼一齊開
鄉人預備收蠶事先買鵝毛幾對來
蠶子初生徧四鄰舊筐紙盡裱鮮明
偶來親友猶相告未到三眠不忌人
偷閒小立粉牆東十畝陰凝夕照空
何處剪刀聲不斷一梯斜倚綠雲中
東鄰姊妹西鄰邀今日蠶眠第二朝待
到晚來須送葉幫儂采葉過浮橋
夜半停燈夢未成脩脩響送耳邊清
錯疑細雨篩窗紙恰是春蠶食葉聲
漸見飛揚欲起蓬照來頭腳已精通
一時送考真忙煞幾箇

蠶孃髻尚蓬

頭腳通亮葉已不食卽所謂考孃也

棚底燒殘獸炭紅山頭

偏欲透涼風吐絲未盡聲猶響着火須憑兩夜功 算到

收成細雨紛幾籃繭子幾多斤一家婦女齊歡笑難得今

年有十分 纈盆水沸氣糊塗翠袖飄揚半小姑一路閒

行看煮繭車聲軋軋徧茅廚 皎潔疑鋪雪上花換湯叮

囑袱頻遮絲頭偶爾沾紅色利市傳言到我家 盡欲收

藏待價沽白絲抱去換青蚨鄉村四月窮人少眞箇黃金

滿地鋪 一番辛苦儘堪當彼此相逢問訊忙蠶事旣登

人漸暇家家神賽馬頭孃

〔龐正達蠶月三禽言〕葉貴了心悄悄獨向儂家叫不了蠶

饑不能啼人饑昏復曉典衣買葉衣無多箱空篋盡蠶仍

南潯志

卷三十 農桑一

三

殍蠶房獨坐淚如珠淚珠漸多蠶漸少心悄悄葉貴了

灼山看火蠶孃莫惰天氣陰寒蠶易疆那能作繭如果卵

帚頭柴把高峩峩更有蘆簾遮貼妥瓦盆蕪炭燄欲飛日

夜山棚相對坐蠶孃莫惰灼山看火 家家好過蠶孃相

賀東鄰回山笑語喧西鄰剝繭人滿座今年收成十倍多

添買絲車連夜作新絲剝取白如霜尙有同功如瓮大蠶

孃相賀家家好過

〔屠澄初夏雜興〕綠榆低映水邊門菱葉萍花數漲痕茗雪

風光誇四月纈絲聲遞一村村 做絲花落做絲忙盡日

南風麥弄黃村裏剪刀聲乍斷又看二葉綠牆桑

栽桑

〔烏青文獻〕畜蠶之家先在栽桑其鬻之也於冬之杪春

之初遠近負而至大者株以二釐長八尺所謂大種桑也密眼青亞之其栽也耨地而糞之截其枝謂之嫁留近本之條尺餘許深埋之出土也寸焉培而高之以泄水墨其癥或覆以螺殼或塗以蠟而封之是防梅雨之所浸糞其周圍使其根四達若直灌其本則蠱而死矣不可灌水灌以和水之糞二年而盛又必月一鋤焉其起翻也須尺許灌以純糞徧沃于桑之地使及于根之引者禁損其枝之奮者桑之下厥草不留遇午日不可以鋤其摘也必潔淨遂翦焉必于交濇處空其榦焉則來年條滋而葉厚其壅也以糞以蠶沙以稻草之灰以溝池之泥以肥土初春修去其枝之枯者樹之低小者其壓也春初以長枝攀下溼土則條爛燥土壓之則根生

其接也仲春擇桑大如臂者約去地二三尺以刀剔起樹皮取柔枝大如筋長一尺者削如馬耳插入皮中卽以桑皮纏定糞土包縛令不泄氣卽活爲桑之害也有桑牛尋其穴桐油抹之卽死 注曰楨湖蠶述接桑本粗者可接細弱者不可接接後能得天晴二日第三日雖有細雨無害倘久晴縛處燥裂須用水潤其縛俟新條發芽將故條翦去便成家桑接而不活者可俟明春再接 烏青鎮志穉桑初種胥名桑秧其種也不外冬杪春中法貴稀縱橫各七尺冬種者秧宜大清明前後種者宜細桑必接而後大每以家桑枝接之不則爲野桑條桑貴翦初種翦其榦獨剩根而糞之令其發生如是三年而後留其榦採葉後又翦其長條否則葉不暢茂

其不翦者曰高桑翦而禿者曰鼓椎桑其修也擇根下細條
或了褊陰枝以及渺小不堪蔭下繁密者悉去之翦桑又或
有前因礙鋸而未及盡截及老枝不成器者再芟之設遇癰
桑卽墾去勿令傳染蓋桑癰無治法也歲於清明時糞其四
圍謂之撮桑翦畢卽灌之謂之謝桑其刮蠶也自冬訖春檢
瞭凡三猶不能淨盡須六月捏頭蠶七月捏二蠶而頭蠶又
宜細察留頭蠶一別二蠶百捉蛙亦須三次春分捉出屑蛙
秋分捉條了蛙翦桑後或九月又細捉之恐因捉損桑則用
爆仗藥綫入蛙穴燒之蟲卽死立夏後采桑買葉名葉市蠶
有頭蠶二蠶故曰葉曰頭葉二葉云二葉須老農善採者留
其條爲來歲生葉之地若頭葉則盡採大約良地一畝可得

葉千三四百斤

廣蠶桑說桑地宜高平不宜低溼高平處

亦宜培土深厚

西吳蠶略以桑之喜疏也墾必數四深必

尺餘以桑之喜肥也壅以蠶沙暨豆屑糞草以桑之惡沙礫

草萊也植必平原芟必淨盡治地之道能順桑性故生葉蕃

大而厚

書城雜著壓桑初芽時擇指大枝條旺相肥澤者

就馬蹶處劈下潤土內開溝尺許埋實自然生根布葉壓後

遇旱於旁開溝灌之但取水氣到忌多著水修桑削其小枝

則葉茂去其枯枝則不荒蠶事畢將枝髡去但髡時不可留

鬚角及夏至開掘根下用糞或蠶沙培壅則生意鬱積來年

嫩枝之葉更覺茂盛且皮可製紙枝可當柴兼有餘利

桑

譜凡家桑栽種有年根深且多設欲移此置彼其起之種之

之法不可不備起時依桑枝四面蓋覆處墾開其土輕輕翻
杷將樹緩緩取起勿令根斷種法如種野桑式用木梢作椿
捆縛其本以防風動移種時春則二月中冬則十月中宜天
晴以清水糞澆兩三遍其處一年不可墾動又不可剪動其
枝葉

浴種滌種

西吳蠶略俗以臘月十二日為蠶生日取清水一

盂向蠶室方采枯桑葉數斤浸以浴種去其蛾溺毒氣也浴

後於無煙通風房內晾乾忌挂於苧蔴索上孕婦產婦皆不

得浴

董開榮育蠶要旨種有二一曰鹽種繭細而堅

中有細頸

名曰腰箍

一曰灰種繭大而鬆臘月十二日浴之鹽用食鹽將種

布置匾內鹽溲布上沒子為度用濃茶一碗候冷噴之令溼

南溇志

卷三十

農桑一

三

透放屋上及庭中經霜露七宿始收下

如遇雨雪當早收

刷去其鹽

灰用石灰每方尺許用糲子大一塊盛於瓷盆滾水泡化待

溫浸入曰殺種點綫香一枝香盡漚乾放匾內令經嚴寒凝

凍至醉司命日用蒸糲子湯待溫將種浸入亦以綫香為度

輕輕漚乾曬燥收藏鹽灰二種並同

按是名滌種亦有用寒食日者

廣蠶

桑說種所以必須醃者借鹹氣以殺其子之無力者耳不醃

者謂之淡種易病且不若鹽種之繭堅厚

董蠶舟浴蠶

臘月取布種露置庭中一宿煎茶候冷浸之

祀蠶取蒸餘暖水采蠶蠶蠅豆等花共投其中浴之後

以祓祟鄭元慶湖錄謂清明食蠶謂之挑青以穀撒屋上謂之趕白虎亦以禳蠶祟吾鎮則無之

搖指星紀農事告登蠶事始盡蠶布種置中庭一宵露置

冰霜裏取潤還須茗汁醃灑以蜃灰糝以鹽田家一例鉏
非種先事全將醜類殲轉眼已過百五日老婦瓶盆羅滿
室粉資祀竈爲祈蠶蒸來翠釜湯餘熱油薑豆莢花叢叢
摘取一握投湯中挹湯滌種令霑泡更借茅檐薄日烘拊
擋忽忽日過午何暇挑青襪白虎呼兒換卻舊門神還待
布灰畫作弩

董恂滌種嘉平二七良日逢以水浴種當去冬今年又到

清明夜

俗呼寒食
爲清明夜

浴蠶例與殘年同門神競向白板貼以

灰畫地如彎弓祈禳白虎辟蠶祟欲趨其吉先祛凶婦姑
忙忙不得暇磨米作糲虔且蒸蒸糲水香滌布上采摘花
片攪其中一年蠶計此初事能慎厥始斯有終深闡努力

南潯志

卷三十

農桑一

三

促鍼拊拮据忙月無餘功

護種 育蠶要旨清明後穀雨前用舊絮包種六七日再將種
放熱被內令得人氣漸漸溫暖其子變綠謂之戰色俟全綠
即可收蠶倚桑葉萌芽未曾暢茂天忽驟熱宜將種放涼處
使不戰色 廣蠶桑說蠶子先出者謂之破紗有破紗須以
燈草心數十莖勻鋪布上而摺之以防壓損

沈炳震蠶桑樂府護種林間春鳥啼布穀穀雨纔過蠶事

促蠶房紙窗照眼明當戶春光快晴煥堂前老翁負朝陽
室中新婦罷曉妝旋向牀頭理蠶種拂拭塵埃手自奉東
家昨夜已打包西鄰擇吉聞今朝香羅包裹更重重束成
置之薰籠中晏溫暖氣長融融阿翁晚睡抱當胸非關新

婦好安眠哺兒時復開胸前阿翁慎莫辭辛苦纈絲織絹
先奉父

董蠶舟護種浴後包種紙貼胸前得暖即活郡人以深林

曉聞布穀語屋角鳴鳩拂其羽微禽解報蠶候臨剛是今

朝逢穀雨穀雨已過蟲難藏城中戶戶打包忙牀頭布種

亟檢理護來趁此春宵長一層只隔香羅帕莫白勝傍熏

籠取餘熱明晨生意定全蘇温馨氣借酥胸熨袒服頻番

掩復開嬌兒索乳數投懷枕邊低喚教郎醒今夜憑君抱

護來

董恂護種東風吹破桑眼青穀雨已近天氣晴囑郎早詣

日者室遴選吉日宜收成儂家蠶種已浴過須令温暖滋

南潯志

卷三十

農桑一

三

初生只愁夫婿正年少心熱無乃多薰蒸不如阿翁齒衰

邁微和微暖纔相應老人深夜醒尤易那須少睡頻叮嚀

況是阿翁護種後年年花稅多豐盈他時酬神酒先貰任

翁一醉翁無憎

貨錢 震澤鎮志蠶時貧者貸錢于富戶至蠶畢每千錢償息

百錢謂之加一錢

董蠶舟貸錢農民養蠶乏資貸于富家蠶畢質絲以償而

事故以盜中餘粟食已罄笥裏寒衣典無贖買葉無錢餬

口難何人肯乞去聲監河潤里中豪右富熏天千鏹萬貫流

如泉鑽核障籠鄙且慳今年廣放加一錢貸錢一千息一

百儘許阿儂徒手得傳別何須合兩書責償毋許逾三月

負歸兒女亦熙熙養蠶豈復愁無資只期今歲還宜早料
得明年借不辭子母償清絲賣矣歸來依舊囊如洗青黃
不接可奈何待喫豪家轉斗米四五月後春收已畢秋穫未至里語謂之青黃不接
董恂貸錢加一錢率以夏至為期過此必另起息名曰小利清明已過將梅夏邨
農拚擋無休暇儲無儋石懸罄如安得餘錢計桑柘趁墟
走訪足穀翁人未登門氣先下已慣寅年用卯年何妨潤
向監河借他日甘心重利償薪炭今時免賒貫豈料年來
足穀翁慳貪心計尤狙詐較量加一息尙輕竟使錙銖到
葉價先期買取奇貨居乾沒還將厚利射

糊筭

遣閒瑣記

鄉間婦女糊蠶筭

音大或借用筭字亦作筭字

率用舊書

敗卷云可辟邪字紙多遭汗損毀棄宜切戒

烏青鎮志蠶

南潯志

卷三十

農桑一

辛

之初生用篩置之烏滿則用蓬蓬必以紙糊其縫兩眼出菴
盛之用筐或用匾器之大者可以容蠶之多也

紀官蠶紙歎文字歷災厄秦火未為深六經已殘缺復此
汗穢侵吳興四月間蠶箔紙應禁嗟哉鄒魯書竟為蠶矢
淋顧此心戚然習俗痛日沈何以挽斯風放筆徒長吟

董蠶舟糊蓬

貯蠶之器見于湖錄者有筐篋篩蓬皆以竹為之蓬以紙糊其孔村婦又剪紅紙為方勝

黏其中且惑于二氏之說至乞其符籙貼之謂足以祛祟曲植籬筐必先具備豫由來

是要務野人未熟攷工記善事詎知須利器傳來矩矱自
先民農家者流夙所遵蘆簾織就更糊蓬買來側理銀光
勻暖水手劑和麥麵周圍方空黏須徧糊成倚向夕陽烘
一色光明如月容更憑摻手翦方勝鏤盡一翻新喜紅紙名

先貼中央後四角勝裏香匳招百福要祈園客錫休祥免
向羽流乞符籙

董恂糊蓬鳥兒初收門未閉蠶具安排事非細先期一一
要檢點善事從來在利器已買桑籠更結蘆還教糊蓬逢
晴霽兒夫昨日趁墟回買得光明紙如縑更喜聰明小女
娃翦紙成花作如意調就銀漿細意糊但祝今年倍吉利
去歲東鄰作道場僧家符籙多真諦阿儂幸喜收藏來廿
四分收定有翼